



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

III. Probatur ex nominibus Dei.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

animantium. Est ergo CHRISTVS Deus.

XXXII. Ex eo quod optamus gratiam illius, quæ solius Dei est, vt loco 21. ex psal. 83. vers. 12. diximus. Apoc. 22. 21. *Gratia Domini nostri Iesu Christi, cum omnibus vobis; Amen*

CAPVT III.

Probatur diuinitas Christi ex nominibus Dei.

I. Est nomen ipsius Dei. Scriptura enim sacra nullum folet absolutè vocat Deum, nisi solum Deum. Sic Christus Deus vocatur. Ioan. 20. 27. 28. *Respondit Thomas & dixit ei. Dominus meus & Deus meus.* Actor. 20. 28. *Attendite vobis & vniuerso gregi, in quo vos Spiritus sanctus, posuit Episcopos, regere Ecclesiam Dei, quam acquisit sanguine suo.* Rom. 9. 5. *Quorum patres, & ex quibus Christus secundum carnem, qui est super Deus benedictus in secula.* Apoc. 4. 8. *Et quatuor animalia, singula eorum habebant alas senas: & in circuitu & intus plena sunt oculis: & requiem non habebant die ac nocte dicentia. Sanctus, Sanctus, Sanctus Deus omnipotens, qui erat, & qui est, & qui venturus est.* Versu. 11. *Dignus es Domine Deus noster, accipere gloriam & honorem, & virtutem: quia tu creasti omnia, & propter voluntatem tuam erant, & creata sunt.* 1. Ioan. 3. 16. *In hoc cognouimus charitatem Dei, quoniam ille animam suam pro nobis posuit, & nos debemus pro fratribus animas ponere.* Si toties absolutè vocatur Deus, & non est verus vnus Deus, cum Patre, quomodo verum

memor. VI

est

50 DE CHRISTI IESV DIVINITATE

est id Exodi 20. 2. *Non habebis Deos alienos.* Et 1. Corinth. 8. 5. 6. *Nobis unus Deus est.* Et Eph. 4. 6. *Vnus Deus & Pater omnium qui est super omnia, & per omnia, & in omnibus nobis.*

II. Quia nomen eius Iehoua, quod maxime proprium est veri Dei. Isai. 43. 3. *Quia ego Dominus Deus tuus sanctus Israël, Saluator tuus dedi propitiationem tuam, Egyptum, Aethiopiam & Saba pro te.* Ierem. 23. 45. 46. *In diebus illis & in tempore illo germinare faciam David germen iustitiae: & faciet iudicium & iustitiam in terra, in diebus illis saluabitur Iuda, & Ierusalem habitabit confidenter. Et hoc est nomen quod vocabunt eum: Dominus iustus noster.* Zachar. 2. 8. 9. 10. 11. Christo accommodatur dictus locus in nouo testamento, ut capite 1. loco 30.

III. Nomen Altissimus. Id illi conuenit Luc. 1. 32. *Hic erit magnus & filius Altissimi vocabitur, & dabit illi Dominus Deus sedem David Patris eius, & regnabit in domo Iacob in aeternum.* Hinc habet nomen super omne nomen. Philip. 2. 9. 10. *Propter quod & Deus exaltauit illum, & donauit illi nomen, quod est super omne nomen, ut in nomine Iesu omne genu flectatur caelestium, & terrestrium & infernorum, & omnis lingua confiteatur quia Dominus Iesus Christus in gloria est Dei patris. Est super omnia Deus benedictus.* Rom. 9. 5. *Quorum Patres, & ex quibus est Christus secundum carnem, qui est super omnia Deus benedictus in secula.*

IV. Nomen

IV. Nomen inuisibile. 1. Tim. 1. 17. *Regē autem seculorum immortalī, inuisibili, soli Deo honor & gloria in secula seculorum Amen.* Hoc colligitur Matth. 11. 27. vbi nemo nouit filium nisi Pater. *Omnia mihi tradita sunt à patre meo, & nemo nouit filium, nisi pater, neq; patrem quis nouit nisi filius, & cui uoluerit filius reuelare.* Collos. 1. 15. *Imago inuisibilis Dei, Qui est imago Dei inuisibilis primogenitus omnis creatura.* Apoc. 19. 12. 13. *Nomen suum quod est uerbum Dei, nemo nouit nisi ipse. Oculi autem eius sicut flamma ignis, & in capite eius diademata multa, habens nomen scriptum, quod nemo nouit nisi ipse. Et uestitus erat ueste aspersa sanguine: & uocatur nomen eius, Verbum Dei.*

V. Nomen Dei est Deus gloriæ, ut de patre omnes intelligunt locum Actor. 7. 1. 2. *Dixit autem princeps sacerdotum: Si hæc ita se habent? Qui ait. Viri fratres & patres audite. Deus gloriæ apparuit patri nostro Abrahamæ cum esset in Mesopotamia, priusquam moreretur in Charan.* De Christo. 1 Cor. 2. 8. *Quē nemo principum huius seculi cognouit, si enim cognouissent, nunquam Dominum gloriæ crucifixissent.*

VI. Rex regum & Dominus dominantium, 1. Tim. 6. 15. *Quem suis temporibus ostendet, beatus & solus potens, Rex regum & Dominus Dominantium.* Tribuitur Christo. Apoc. 17. 14. *Hic cum Agno pugnabunt, & agnus uincet illos; quoniam Dominus Dominorum est, & Rex regum, & qui cum illo sunt, uocati, electi, & fideles.* Ibidem cap. 19.

cap. 19 16. Et habet in vestimento, & in scemore suo scriptum: Rex regum & Dominus Dominantium.

VII. Deus verus. Deut. 32. 39. Audi Israël Dominus Deus noster, Dominus vnus est. De Christo. 1. Cor. 8. 4. 5. 6. De escis autem qua idolis immolantur, scimus quia nihil est idolum in mundo, & quod nullus est Deus; nisi vnus. Nam etsi sunt qui dicantur Dy, siue in calo siue in terra, (siquidem sunt Dy multi & Domini multi) Nobis tamen vnus Deo Pater, ex quo omnia: & nos in illo. Et vnus Dominus Iesus Christus per quem omnia, & nos per ipsum.

VIII. Solus Deus Deut. 32. 39. Videte quod ego sim solus, & non sit alius Deus prater me, ego occidam & ego viuere faciam: percutiam & ego sanabo, & nemo est qui de manu mea possit eruere. Conuenit cum Iudæ epistola versu 4. Subintroierunt enim quidam homines (qui olim præscripti sunt in hoc iudicium) impij, Dei nostri gratiam transferentes in luxuriam, & solum Dominatorem nostrum Iesum Christum negantes.

IX. Magnus, Iob. 36. 26. Ecce Deus magnus, vincens scientiam nostram: numerus annorum eius inestimabilis. De Christo Domino conuenit cum Tit. 2. 13. Expectantes beatam spem, & aduentum glorie magni Dei: & saluatoris nostri Iesu Christi.

X. Deus pater vnus omnium nostrum. Malach. 2. 10. Nunquid non pater vnus omnium nostrum? Nunquid non Deus vnus creauit nos? Quare ergo despicit vnusquisq; nostrum fratrem suum

sum, violans pactum patrum nostrorum. Christus Pater futuri seculi. Isai. 9. 6. *Parvulus enim natus est nobis, & filius datus est nobis, & factus est principatus eius super humerum eius, & vocabitur nomen eius Admirabilis, Consiliarius, Deus, Fortis, Pater futuri seculi, Princeps pacis.*

CAPVT IV.

Ex attributis diuinis probatur diuinitas Christi.

I. LOCVS. Ex æternitate. Est enim DEVS æternus, nec principium habens, nec finem, sed est ipse principium & finis. Genes. 21. 33. *Surrexit autem Abimelech & Phicol princeps exercitus eius, reuersiq; sunt in terram Palestinorum. Abraham verò plantauit nemus in Bersabee, & innocauit ibi nomen Domini Dei æterni.* Plura in Thesauro Biblico nostro. tit. Deus. Conuenit verò ea æternitas Christo Domino, vti sapientiæ diuinæ. Prouerb. 8. 23. *Ab æterno ordinata sum & ex antiquis, antequam terra fieret.* Mich. 5. 2. *Et tu Bethlehem Ephrata, paruulus es in millibus Iuda. Ex te mihi egredietur, qui sit Dominator in Israël & egressus eius ab initio à diebus æternitatis.* Quem locum intelligunt de Christo, Scribæ. Matth. 2. 4. 5. 6. *Et congregans omnes Principes Sacerdotum & Scribas populi, sciscitabatur ab eis ubi Christus nasceretur. At illi dixerunt ei in Bethlehem Iuda: Sic enim scriptum est per Prophetam, Et tu Bethlehem terra Iuda nequaquam minima es in principibus Iuda: ex te enim exiet dux, qui regat populum meum Israël.*

C

Ioan. 18